

第〇六一冊

方輿彙編

坤輿典

建都部

留都部

關隘部

市肆部

(卷)

一七—二〇

二一—二三

二四—二五

二六—二八

古今圖書集成

中華書局影印

圖書集成

卷一百一十五

目錄

卷一百一十五

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

圖書集成

卷一百一十五

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

古今圖書集成

中華書局影印

欽定古今圖書集成方輿彙編坤輿典

第一百十七卷目錄

建都部藝文四

東西周辯

大都賦并序

鑄京賦

洪武元年詔

皇都大一統賦并序

前題

爲魯王賀建北京表

北京賦

前題

前題

皇都賦并序

帝京景物略序

元吳澄

黃文仲

楊維禎

明太祖

金幼孜

楊榮

梁本之

陳敬宗

李時勉

黃佐

董應舉

劉侗

坤輿典第一百十七卷

建都部藝文四

東西周辯

東西周有二一以前後建都之殊其名一以二公封

邑之殊而名昔武王西都鎬京而東定鼎於郊鄆周

公相成王宅洛邑營澗水東澗水西以朝諸侯謂之

王城又謂之東都實鄆鄆於今爲河南又營澗水東

以處殷頑民謂之成周又謂之下都於今爲洛陽自

武至幽皆都鎬京幽王娶申后生太子宜臼又褒姒

元吳澄

似以生伯服欲立之黜宜臼申侯以鄆入寇殺王諸侯遂申侯共立宜臼是爲平王畏敵之逼去鎬而遷於東都平以下都王城曰東周幽以上都鎬京曰西周此以前後建都之殊而名也自平王東遷傳世十二而景王之庶長子朝與王猛爭國猛東居於皇晉師納之入於王城入之次月猛終巧立踰半朝而子朝又入王辟之東居於翟泉子朝據王城曰西王敬王在翟泉曰東王越四年子朝奔楚敬王雖得返國然以子朝餘黨多在王城乃徙都成周而王城之都廢至考王封其弟揭於王城以續周公之官職是爲周桓公自此以後東有王西有公而東西周之名未立也桓公生威公威公生惠公惠公之少子班又別封於鞏以奉王爲東周惠公之父同諡以鞏與成周皆在王城之東故班之兄則仍襲父爵居於王城是爲西周武公以王城在成周之西故自此以後西有公東亦有公二公各有所食而周尚爲一也顯王二年趙韓分周地爲二二周公治之王寄焉而已矣周之分東西自此始九年東周惠公卒子僕嗣慎觀以上皆在東周親王立始遷於西周即王城舊都也史記云報王時東西周分治今按顯王二年已分爲二不待此時矣其後西周武公卒子文君嗣五十九年秦滅西周西周公入秦獻其邑而歸是年報王崩次年周民東亡秦遷西周公于愚狐聚又六年秦滅周遷東周公於陽人聚此以二公封邑之殊而名也前後建都之殊者以鎬京爲西對洛邑爲東周而言也二公封邑之殊者又於洛邑二城之中以王城爲西周對成周而言也大槩周三十六王前有二王都

鎬京中十有三王都王城王城對鎬京則鎬京在西而王城在東其東西之相望也遠季十王都成周報一王都王城王城對成周則成周在東而王城在西其東西之相距也近一王城也昔以東周稱後以西周稱夫周東西之分因武惠二公各居一而名王則或東或西東西之名繫乎公不繫乎王也邵子經世書紀報王爲西周君與東周惠公國策編題首東周次西周豈無意哉二周分治以來顯王慎觀王二代五十餘年王於東報一代五十餘年王於西先東後西順其序也近有縉雲鮑彪注謂西周正統不當後於東周升之爲首卷於西著王世次於東著公世次蓋因邵子而誤者既不知有西周公且承宋忠之謬以西周武公爲報王別諡反以徐廣爲疎是未嘗考於司馬貞索隱之說鮑又云報徙都西周西周鎬京也嗚呼鎬京去王城成周八百餘里自平王東遷之後不能有而以命秦仲曰能逐敵人即有其地鎬之爲秦已四百年於茲其地在長安上林昆明之北虎狼所穴而王得往都於彼哉高誘注曰西周王城今河南東周成周故洛陽辭旨明甚鮑注出高誘後何乃以西周爲鎬京也乎鮑又云鄆鄆屬河南爲東周殊不思此皆時所謂東周也於斯時則名西周矣斯時之西周與鎬京鄆鄆對稱西東者不同顧乃一之何歟蓋有不知而作之者我無是也鮑氏之於國策其用心甚勤而開卷之端不免謬誤如此讀書亦或未之察也與夾谷王常程鉅夫偶論及此二公命筆之遂爲之作東西周辯

大都賦有序

黃文仲

竊惟大元之盛兩漢萬不及也然班固作二都賦天下後世誇耀不朽今宇宙昇平宜播厥頌文仲幸生聖世獲親大都雖不克效其贅牙之文繁艷之語亦不願聞其奢靡之政浮誇之言謹撫其事撰大都賦上於翰林國史請以備采擇之萬一其賦曰

有客以風雲爲氣江海爲量一蹈萬里顧盼伊壯嘗掉鞅金陵鼓枻錢塘浮汴入洛西遊咸陽臨殘城之餘景點煙草其悲涼悲哉敗國之迹何必於此乎彷彿方今天廓一宇地合八埏皇帝居闕新宅於燕萬方臣妾罔不後先稽北辰之朝列宿東海之會百川今也不往白首何年道齊魯以前邁歷趙魏而北轍亦既至止觀於都內非重而喧非電而奔儻兮恍兮殆失所存大都主人目而招之曰子豈出蛙坎而望滄渤脫蟻封而覩瑤琨者邪何神志不定四顧市人若將襲而問之也客曰唯唯予行天下多矣獨此大都足不及履城闕之雄風物之異幸子告我毋以爲鄙竊聞燕之爲壤古曰幽州召公拓其規昭王闡其猷慕容據之以爭中夏完顏臨之以朝諸侯名蹤勝跡萬歲千秋子能舉之否乎主人撫掌而笑曰固哉客之問也被小國一君偏方一主朝盛夕衰何足以語維昔之燕城南廢郭維今之燕天下大都字宙千齡而啓運帝王一出而應符山川改觀民物易居開天拓地自作制度豈轍人之軌而躡人之跼我太祖皇帝之龍興也乘乾位王水德耀元武撫璿極鐵騎長驅金爐奄熄控扼南邦於焉駐蹕列聖相承有事疆場顧宮室其未遑日飭厲乎兵革世祖皇帝神聖

武文既傳國以建號復紀元而書春操轡策而御羣雄臨水火而救兆民授閭閻者如靖如勸運廟謨者如張如陳有角皆崩無擾弗馴雨露所被知其澤風靈所至知其神是宅是圖以取以守恢皇基於億載隆畿制於九有因滄海以爲池即瓊島而爲囿近則東有潞河之饒西有香山之阜南有柳林之區北有居庸之口遠則易河潞水帶其前龍門孤嶺屏其後混同鴨綠浮其左五臺常山阻其右所謂子孫萬世帝王之業與海岳相爲長久者也迺樹厥墉乃鳩厥功畫萬址以效地連萬雉而橫空高謂山兮何平長謂堤兮何崇闕門十一四達憧憧蓋禮之而立象允合乎五六天地之中前則五門駢啓雙闕對聳靈獸翔題而若飛怒猊負柱而欲動東華西華翼其傍左掖右掖夾而拱開厚載以北巡遊巡乎行在之供奉內則宮殿奕兀樓閣扶擁如峯之攢如濤之涌瓦與天一色而琉璃滑壁與霞爭光而脂重岩峩峩繞縹緲縹緲金桷雕楹華悅彤彤揭崇天之扁於雲端卓鎮雷之竿於漢表奮角張牙衝霄鼓翼浮動於蒼松翠檜之杪後則奇峯怪石噴噴屹屹異葩珍藹檀檀樂樂紅者珊瑚青者琅玕亦舂其白亦錦其斑中有虎豹犀象熊羆鷹鵠鵠猛足健翰莫不承恩被澤飛走乎其間又有西天比丘傳戒伏魔手繡金字頭茸緒毛輦內昇角鳴鼓吹螺居之圓殿爲國護持出入清禁莫之誰何上有廣寒莫於嵯峨聽政之暇憂民之勞御步輦以臨幸垂天目於秋毫下引西山之滄海蟠御溝而溶溶經白玉之虹橋出宮牆而南逝以佃以漁以舟以楫普爲萬民之利聖人之

心可謂至矣且以一統之大四海之富非不能窮美而極麗固將昭恭儉之先謀垂法則於後世也於是東立太廟昭孝敬焉西建儲宮衍鴻慶焉中書帝前六官稟焉樞府帝傍六師聽焉百僚分職一臺正焉國學崇化四方景焉王邸侯第藩以屏焉神州赤縣首承令焉彬彬乎簪笏之林古無此盛矣迺闢東渠登我漕運鑿潞河之垠墁注天海之清潤延六十里瀦以九堰自汴以北者輓河而輸自淮以南者帆海而進國不知匱民不知困遂使天下之旅重可輕而遠可近揚波之櫓多於東溟之魚馳風之檣繁於南山之筍一水既道萬貨如糞是惟聖澤之一端已涵泳而無盡論其市廛則通衢交錯列巷紛紜大可以並百蹄小可以方八輪街東之望街西勢而見巋而聞城南之走城北出而晨歸而昏華區錦市聚四海之珍異歌棚舞榭選九州之機芬招提擬乎宸居塵肆至於宮門酤戶何煜煜哉扁斗大之金字富民何振振哉服龍蟠之繡文奴隸雜處而無辨王侯並驅而不分屠千百以終朝釀萬石而一句復有降蛇搏虎之技援禽藏馬之戲驅鬼役神之術談天論地之藝皆能以盡人之心而蕩人之魂是故猛火烈山車之轟也怒風傳潮市之聲也長雲偃道馬之塵也敗雷動地鼓之鳴也繁庶之極莫得而名也若乃城闕之外則文明爲舳艫之津麗正爲衣冠之海順城爲南商之藪平則爲西賈之派天生地產鬼寶神愛人造物化山奇海怪不求而自至不集而自萃是以吾都之人室無白丁庵無浪輩累屬於毫末運意於徒倍一日之間一閱之內重轂數百交湊闐闐初不計

乎人之肩與驢之背雖川流雲合無執而來而隨消
隨散杳不知其何在至其貨殖之家如王如孔張筵
列宴招親會朋誇耀都人而幾千萬貫者其視鍾鼎
豈不若土芥也哉若夫歌館吹臺侯園相苑長袖輕
裾危絃急管結春柳以牽愁佇秋月而流盼臨翠池
而暑消寒繡幌而雪暖一笑金千一食錢萬此則他
方巨賈遠士謁官樂以消憂流而忘返吾都人往往
面諛而背誦之也言其郊原則春晚冰融雨霽土沃
平平絲絲天接四目萬壑散漫今鴉點點千村錯落
今蜂簇簇龍見而凍根載苗火出而旱耕漸熟柳暗
而始蒔瓜瓠花而猶播穀栽草數畝可易一夫之粟
治蔬千畦可當萬戶之祿寒露既零雄風亦多率婦
子以刈鉅憂氣候之蹉跎來勸去較如亂蟻之潰殘
垓千困萬庾若急雨之瀉長河爰潞我場其樂孔多
有門外之黃雞元疑與沙際之綠鳬白鵝收霜菜以
爲菹釀雪米以爲醢社長不見呼縣官不見科喜豐
年之無價感聖化而謳歌嗟夫飢者帝食之寒者帝
衣之居者帝安之亂者帝治之中統之深思至元之
厚惠民之恩之庸有既乎矧我皇上續二世之鴻烈
紹六世之宏基明伴乎兩曜令信乎四時惠顧下土
載謀載惟謂一農不遂其耕則四民或受其飢傷我
畜者虎狼害我苗者鹿糜每歲孟春親御六飛南臨
漫衍大獵乎渚水之涓萬騎分馳靈奮騰發弦鳴禽
落網動獸蹶百鷺舉層雲裂羣奔奔葢草絕飛者委
毛走者僵血虞衡奏功天子乃悅匪耽意於遊畋將
講武以蒐閑畢獻禽而行賞廻翠華而北轍遂幸上
都避暑於朔慮牧畜之妨農逐水草於廣莫雲媽以

南既及既穫徐擁輿衛母俾民虐千官領至羣樂大
作天子之心爲民而樂彌殷甸之千里悉扈駕之部
落維牛維羊維馬維駉貧民以百計富者以千約民
之五雞二雉何適邈故由是慶區宇之昇平彰穹昊
之明嚴殿聖心之翼翼爰潔備乎祀饗道流聞南北
之音釋子雜蕃漢之狀步虛而款鸞鶴演樂而供獅
象穆穆在前赫赫在上非沉非甲而在乎明德之馨
香於戲列祖造之聖主保之賢臣佐之兆民好之上
帝無私善必報之故詩以太平爲萬年書以皇極爲
五福天人相與之際殊無奇術異道也猗歟盛哉大
都之事何可勝紀吾綱提而領擢之使兩啓聲而聽
刮盲而視嘗鄙夫二都之賦蟲魚草木何太瑣細吾
若效之將與子談三月而不止客曰然醺人誇醺酒
人誇醺母怪乎當時之士好鼓舌而搖脣古我帝王
自冀至洛惟以都名漢唐東西因以方名吳蜀魏汴
咸以地名今名以大誇孰甚焉主人變乎色曰爾言
過矣登謂鴻之翻而猶鴈之翻斯之鱗亦猶龍之鱗
邪大之爲義無匹無倫非我皇上之德疇克當之汝
復坐而聽我所云帝不爭土王始制地始焉萬國終
焉七氏畿封之內會盟戰誓自君自長何有於天子
厥後能統一者秦漢晉隋唐而已西至乎玉關東至
於遼水北至於幽陵南至於交趾得縱者失橫有此
者無彼大哉天朝萬古一時淶江成血唐不能師今
我史之遼陽高麗銀城如鐵宋不能窺今我臣之回
鶻西河漢立銅柱馬無南蹄今我置府交古雲黎泰
築長城土止北陲今我故境陰山仇池鳩舌螺髮榜
面雕題獻獒效馬貢象進犀絡繹乎國門之道不出

戶而八蠻九夷謂之大都不亦宜乎客曰博哉子之
所言上周乎乾下括乎坤故能獨高萬古而號曰大
元於是主人曰未也爾知其大未知其所以大是猶
遠望巨峯而不見其址近觀長江而不見其源吳起
不以西河爲美而德其美要敬不以洛陽爲安而德
是安况巍巍蕩蕩之境必有強其本而壯其根者也
且夫陳主歸隋周王入秦山陽祖送萬古悲辛惟我
國家待降以賓觀江南之趙孤能納土而稱臣既寵
之以封爵復全之以終身彼南巢之放猶有愆於古
人孰大乎吾天子之仁元封彈力西南之墟貞觀暴
骨東南之士一人逞欲萬姓何苦惟我國家止戈爲
武謂荒裔之民得之不利於用謂贅疣之地取之不
益於富罷橫海之戈船但遣使而存撫彼有苗之誓
猶且蹂於師旅孰大乎吾天子之恕羽林象天之儀
衛梨園傳月之音樂帝皆是却不警不蹕從百僚之
控鶴何其然也舜德之大臨下簡也江都錦繡亦可
服也織坊爛霞之金繡局委雲之茸帝不是用以彰
美吾聖躬何其然也周德之大在位儉也商臺玉衣
亦可念也惟我聖皇五輅不乘八鸞不駕雨則獨乘
象輿齊則祇御龍馬何其然也念我烈祖鐵衣雨汗
弗敢安也神禹之大胙胙四載思艱難也惟我聖皇
奉坤母建隆福正事御構五華宮不爲廣殿不爲奢
何其然也念我先皇居數十年弗敢改也唐堯之大
土階三尺防驕泰也若乃國之大寶惟忠惟亮聖皇
思之是崇是尚可官也不以勳門不以世賞可擢也
或賈或術或伶或匠開東閣者載搜載訪軍不起膠
鬲於魚鹽拔百里於斯養國之大盤惟天惟祖聖皇

奉之是惕是懼瞻尊象則有刑開水旱則獨賦百官貢香如帝親舉祗見祖廟俎豆鐘鼓彌天浮屠浩不可數普閱法藏幣帛金栴變陰陽者載佐載助寧不觀景星而瞻慶雲酌醴泉而飲甘露國之大柄惟賞惟刑聖皇操之是重是輕或錫之黃白予之土田而賜之服乘非必大功也以一技一善亦人之所能或釋之桎梏免之斧鑕而周之金縢非必大惡也以一形一氣亦人之所生掌邦典者持權而視衡寧不隨敵稀之韓侯隘不赦之孔明國之大本惟民惟社聖皇憂之靡風靡夜勞矣哉遣問疾苦困矣哉詔卹矜寡庶獄繁哉宥之以洗冤貪夫毒哉戮之以懲下居郡國者承流而宣化寧不歌康衢之謠播行羣之雅至若親親也則諸王鞏磐石之宗分邊戍總兵戎老也則大臣忘祖帳之送奉朝請食鼎鐘柔遠也至簡至易宣明直聰大綱既舉大化亦洪將胥慕於稷契孰肯附於鯀共丕顯哉聖皇之德日盛日隆前乎百世不得軋其步後乎百世不得踵其蹤惟其有大德之大故能成大元之功惟其有大元之大故能成大都之雄客曰問一得三云乎不喜惟茲三代孰得而比主人曰詩不云乎維其有之是以似之夫元者天地之苞也德者天地之美也都者天地之會也微天地之大孰能比於此哉客起而歌曰天其元兮地其黃兮維此大都統萬方兮天其生兮地其遂兮維此大德圖萬類兮天其高兮地其厚兮維此大元齊萬壽兮恭望闕庭頓拜舞蹈而退

錦京賦

楊維禎

有西都賓同於北都主人曰昔宗周之經邑也眷我

西土實惟作京烝哉武王遙觀厥成主人亦嘗聞其說乎主人曰未也願實摠懷土之素發思古之幽博我以王道弘我以宗周賓曰唯唯夫姬德之興也始於后稷封自邰土長於公劉克篤前祐去邵即幽躬服勞苦太王肇迹艱難岐下國人懷歸從之如雨文王述業有此武功既伐於崇遂邑於豐武集大統奄有四方遷都卜宅於昔有光肇造區夏世有哲王受此丕基王配於京大哉王之受命而都之也俯協白麟之符仰寤赤鳥之禎承以天命之眷正以寶龜之靈越豐水之東而宅是錦京實以繼十六王而始居開八百年之太平考其地勢爲古雍州爲今京兆函峽二華之踞其左褒斜隴坻之界其右終南太一之表其前洪河涇渭之帶其後天邑亢爽惟神阜之所託上腴廣衍乃奧區之所受於是辨方位建國鄙經歷九軌城隅九雉左祖右社面朝後市翼翼巍巍四方所視若其五十封族八百分邦壯我屏翰守我井疆維城磐石根深本強使天下輪運而輻輳宜其歸世歷於久長想夫踰險之僚駕趨蓬羽肅肅之后駿奔踵武執珪執纁貢球貢紆九夷之長八蠻之主賁贊聯絡膜拜偃僂恬矣來於肅慎獻賦於西旅紛重舌而九譯僉來王而順序於時開明堂臨辟雍旋冕密勿衣冠會同盛禮典樂於論鼓鐘庭實千品旨酒萬鍾舞掉八佾歌洋九功漏澤沛甘雨仁聲遂祥風此錦京之盛槩而非曩日岐豐之可以比隆矣迨夫成王五遷卜惟洛食土中是據土圭攸測風雨交會貢賦均適協周召之經營朝萬方之玉帛遷殷頑分是處務密邇乎王室何豐鄙之復還固未忘於故

邑慨歷世之十二念萬物之失生觀魚藻之興刺將不樂乎錦京日變色以自縱乃遂焉而逢殃吾已知宗周之不競而轍一東於王城矣賓之言未已而主人喟然嘆息曰客誠好古之流歟借乎信耳而遺目也子能知古昔之西京而未知今日之北京也皇矣上帝求民之莫大哉至哉乾坤元德作我父母天開地闢乃眷北顧此維興宅蓋自帝堯啓都召公拓述慕容不能稱此土完顏不能據茲域惟聖人之應符環衆星而拱極累列聖之洪基貽萬葉之燕翼若其前渾沱後居庸雪山峙其西太行屹其東拊上谷爲脊齊控中夏爲腹胷曾不恃乎巖險與襟帶未足擬諸其形容蓋其光宅四表仁深草木層開八百狹周基之與龍形得百二棹秦關之失鹿八方士女同后妃節儉之風萬里衣裳比公子仁厚之族故城郭之大在無外之寰宇宮室之美在可封之比屋使漢京之賦賦之而未盡雖周錫之歌歌之而不足資幸生乎元世夫何信耳而遺目賓乃懷墨不言慄然下意遂巡避席謝罪而退

洪武元年詔

明太祖

朕惟建邦基以成大業興王之根本爲先居夏而治四方立國之規模最重自越宋末世至今百有餘載羣雄分爭未有定於一者民遭塗炭亦已極矣朕以布衣當擾攘之際拔身行伍率將渡江荷天地眷祐祖宗積德臣下宣忠將士用命西平僞漢東滅殘吳南靖閩廣北有中原武功大定混一之勢已成十七年間凡糧餉軍需百物料徵民無休息而江右一方煩勞尤甚遂收天下平寧之效朕觀中原土壤四

方朝貢道里適均父老之言乃合朕志然立國之規模固重興王之根本不輕其以金陵爲南京大梁爲北京朕以春秋往來巡狩播告爾民使知朕意

皇都大一統賦

金幼孜

洪惟天朝太祖高皇帝誕膺景命龍飛淮甸既渡大江遂都金陵撫有區夏肇造洪基以開萬世太平之業逮我皇上繼承大統克紹不圖仁恩誕敷聲教洋溢雨暘應期民物阜蕃薄海內外罔不率從而自蒞祚以來宵旰拳拳惟思所以繼志述事以承太祖高皇帝之意於是做古制肇建兩京以爲北京實當天下之中陰陽所和寒暑弗爽四方貢賦道里適均且沃壤千里水有九河滄溟之雄山有太行居庸之固玉泉之流經緯乎禁籞之中碣石之壯盤踞乎畿甸之內故其山川之壯觀風氣之清淑真有以卓冠四方爲萬國之都會誠帝皇子孫萬萬世太平悠久之基由是敕冬官泊內外文武百執事經營於茲而凡民庶士卒工匠之流莫不駿奔于來趨事赴工罔敢或後遂至天意人心感孚而同靈應疊臻嘉祥屢薦不數年間厥功告成而宮闕府庫之宏壯郊廟社稷之嚴肅朝市民物之鉅麗秩乎其有序平乎其具列蓋自古先帝王都邑之盛未有逾於此者乃未樂辛丑春正月朔旦皇上御奉天殿大朝海內文武羣臣四方蠻夷酋長率皆在庭踴躍鼓舞以爲皇都之奇麗若此誠曠古所未見而未有者而所以爲皇上萬壽之徵宗社磐石之固聖子神孫寶祚綿延之慶皆兆於此矣何其盛哉臣幼居禁苑職業文詞

幸際昌期躬親盛美謹鋪張爲賦以彰太平之偉烈且以昭示於無窮其辭曰

維太祖之受命膺上天之禎符書布衣於淮右提一劍而長驅乃剪夷於羣醜悉蕩落於寰區既渡大江金陵是都虎踞龍蟠與王之居爰啓鴻業肇開皇圖振光華於曠古恢萬世於弘模繁我聖皇祇膺寶曆奉天勤民太祖是式恩覃九圍八極雨暘應期民物豐植觀四方之清寧乃有念於京邑維此北京太祖所屬天造地設靈鍾秀毓總交會於陰陽盡灌輸於海陸南臨鉅野東瞰滄溟西有太行之嶺嶠北有居庸之崢嶸瀉玉泉之逶迤貫金河而迴榮瓊島上聳以盤礴太液下澈而泓澄將繼志而述事必於此而經營乃救羣工乃命百職萬方子來效勤彈力萃四海之良材伏南山之鉅石感恩意之昭乎戒經營而弗亟於是天心協順靈應彌彰布輪困之卿雲發璀璨之祥光醴泉湧其浩浩甘露下其泠泠赫萬靈之呵護藹瑞氣於穹蒼乃上良辰乃鑄吉日以相以度以構宮室棟宇崇崇簷楹秩秩以蓋以覆陶冶延埴以繪以圖點點丹漆煥五采之輝煌作九重之嚴密天地洞開馳道相連金鋪絢日玉柱凌煙星羅基列壁燦珠聯虹飛霞擁龍翔鳳翥超凌氛埃壯觀宇宙規模恢廓次第畢就奉天屹乎其前謹身儼乎其後惟華蓋之在中球摩空之偉構文華翼其在左武英峙其在右乾清並耀於坤寧大善齊輝於仁壽豁千門之雲蓋敞萬戶之幅湊至若丹闕巍巍飛觀凌空觚稜上聳閣道遙通左祖右社蔚乎穹隆有壇有墀有寢有宮亦有天地以嚴以崇復有石渠天祿

以蓄圖書玲瓏綺錯照耀文疏懸牙籤之萬軸列緗帙之紛如宛奎壁之宵映燦絳燈之夜噓瀛洲文學之士閭苑列仙之儒備顧問於朝夕咸欽仰於聖謨又若大庖光祿列乎西東珍羞駢羅玉食惟豐禁城之下金水溶溶畫棟凌雲繡柱含空瓊題耀日綵櫺駕虹雕甍隱映寶殿玲瓏太孫所居諸王之宮金枝玉葉照耀層空育德講學宴適遊從若夫御苑逶迤上林深窈有山有泉爲臺爲沼巖谷裕舒雲霞縈繞走有奇獸飛有靈鳥樂寬閒以棲息恣回翔以馴擾復有天閑十二駿骨軒昂渥洼神龍之種大宛名駒之良並權奇而雄傑或磊落而騰驤又若康庾輪困惟萬惟億豐歲所儲累世之積玉粒金稈露積充溢國用所資人足家給復有武庫巍巍戎戈矛森列旗幟搖雲鎧甲耀雪凜凜白旄差差黃鉞四征不庭以彰九伐奮軍聲之揚揚振皇威之赫赫又若內帑充物寶藏紆餘奇珍異產海匯河輸夜光之璧明月之珠琉璃翡翠瑪瑙珊瑚車渠琥珀火齊璆瑋錦繡通遼羅綺芬敷又若百司庶府有綱有目文武頭頭爲國鈞軸太學郡庠之並建琳宮梵宇之森嚴列九衢之坦坦引六街而相續閭閻櫛比闐闐雲簇鱗鱗其瓦盤盤其屋馬馳驅轡車行擊轂紛紛並驅雜還相逐富商巨賈道路相屬有貨填委丘積山蓄又若歌樓舞榭艷態機妝羅袖迴雪清聲繞梁管絃嘔啞狎坐傳觴娛青陽之麗景駐白日之飛光雖小大之不遺仰制度之畢備斯皆聖智之籌謀實由宸衷之經緯儼氣象之一新壯規模於萬世屹鴻基之豐隆偉山河之巨麗貽子孫以嘉猷紹先皇之初志邁豐鎬之

舊規軼漢唐之遺制於是厥功告成慶叶天人乃歲辛丑維孟之春王正之月朔旦辰星臨御大朝羣臣內外文武濟濟彬彬戎狄蠻貊工商士民稽首嵩呼拜舞歡欣筐篚具列方物畢陳以饗以醕洽此皇仁大一統而無外藹至和於八垓臣忝詞垣叨職文字懷眷寵之彌深愧涓埃之無補際千載之良逢幸微生之快覩傳盛事於將來奚往牒之足數祝聖壽於萬年播皇猷於千古

前題

楊榮

維皇明之有天下也於赫太祖受命而興龍飛淮甸風雲依乘恢拓四方弗遑經營既渡江左乃都金陵金陵之都王氣所鍾石城虎踞之險鍾山龍盤之雄偉長江之天塹勢百折而流東炯後湖之環繞湛寶鏡之涵空狀江南之佳麗匯萬國而朝宗此其大略也迨於聖皇嗣大一統剛健日新聰明天縱固四海以爲家登羣賢而致用思繼志之所先惟都邑之爲重於是天意鑒觀人心和同神靈效順龜筮協從既應天以順時爰辨方而正位視往聖而獨超繼高皇之先志乃相乃度載經載營眷茲北京山川炳靈其爲形勢也西接太行東臨碣石鉅野互其南居庸控其北勢拔地以崢嶸氣摩空而崩勢復有玉泉漫流宛若垂虹金河澄波雪練涵空膏渟黛著浩渺冲融包絡經緯混無窮貫天河而爲一與瀛海其相通爾其派連析津源分潞水既環抱以繁迴亦瀾茫而清泚來職貢於四方通檣帆於萬里至若王畿之內輦轂之間沃野彌望原陸寬闊烟火相接雞犬相聞宵無警柝外戶不關以收則蕃以種則穫以佃以漁

以耕以鑿隨其所嘗皆得其樂而其爲都也四方道里之適均萬國朝覲之所同梯航玉帛爲都邑之會陰陽風雨當天地之中爰救臣庶爰伐材木南浮湖湘西入巴蜀斧披虹霓聲撼山谷徂徠之儲新甫之蓄梗柅杞梓杉楮檉楠檣檣青天根連地軸鉅細畢輸長短悉錄駕雲車之百輛振龍驤之萬斛紛紜輻輳彌布川陸厥材之良不一而足若乃美石比玉從古所稱瑩者如圭潔者如瓊溫者若璵潤者若瑛以磨以礱乃堅乃貞鏗林振聲馳騰驚霆千夫所攻萬里啓行山靈發其光華坤后助其精英豈賦畀之敢混實寶玉之爭呈也若夫坎離播功良坤合德出於陶冶成於埏埴飛紫微於半空結祥烟於八極或規以圓或矩以方燦琉璃之一色耀文采於中央或肖形於獸吻或擬質於鸞鸞於是良時載啓吉旦既卜臣庶駿奔滄若雲盡源源其來登登其築百堵皆典萬夫相屬行若魚貫立若鱗鱗斧斤揮霍尺度攢簇由是責育效力公輸獻奇日爰曰斯伯與暨垂櫛厥巧思運厥神機各效其能以見於爲顯小善之並錄矧妙技之或遺羣材礪磊以山積鉅棟騰躍而羣飛爾乃九門洞開三殿修建瓊樓雲聳丹漆霞綺輦路逶迤閣道迴轉華蓋屹立乎中央奉天端拱乎南面其北則有坤寧之域乾清之宮璇題耀日寶柱凌空金鋪璀璨綺疏玲瓏珠玉炫爛錦繡半茸葳蕤起鳳天嬌盤龍千門瑞靄萬戶春融其南則有午門端門左掖右掖丹闕峙而上聳黃道正而下直豁大明之高張屹正陽之拱揖綉周廬之穹崇蔽重覺之護翼其左則有宗廟之祀以奉祖考仰在天之神靈隆萬

古之尊號謹歲時之忝嘗薦純誠於蘋藻其右則有社稷之靈以崇祀享汎壇墠之肅清通神祇於辟壘爰春祈而秋報用昭答於靈貺若夫乾清之前門列先後日精月華之對峙景運隆宗之並構謹身翼乎其前仁壽屹乎其右又有奉先之祠大善之殿文樓武樓之特聳左順右順之並建若乃震位毓德文華穹隆亦有武英實爲齋官有天財寶藏以貯珍貨有大烹光祿以典飧饗寶善在左以翼翼思善居右而崇崇若夫欽安之後珠宮貝闕藻繡交輝雕甍嶸嶸六宮備陳七所在列親賢有館綵絲有室二南詠歌播於篇什輔德相承風化洋溢皇城之外殿宇魁渠有翼有嚴太孫之居金水之濱瑤階玉除梁棟巍巍上凌太虛爲諸王宮朔衛皇圖星羅棋布以臨九衢至若文淵之閣祕書之府纂述乎今儲蓄乎古汗牛充棟莫知其數牙籤迤邐網帙旁午燦奎壁之上連赫虹霓之夜吐若夫飛閣戕戕實爲承天繡極霧簇畫拱星聯踞石倪之盤礴華表之巋然至若南郊之設特起古制園丘方澤不岐以二合祀於中父母天地壇分內外二十有四羣祀有典百神有位惟我太祖實配上帝乃歲孟春三陽之始吉日斯鐸祀事有備薦以黍盛泛以醴齊豆籩秩秩庭燎嘶嘶鼓鐘戒嚴變與至止儼對越以升中祀蕃禘之攸萃至若山川有壇先農有祀馬祖旗幟各以時祭寅畏恪恭罔有弗至若夫稽古建官爲民之牧內外相承各率其屬至若黃門給事青瑣仙班典內庭之封駁近咫尺之天顏復有文翰之林詞藝之苑處嚴密之清禁列英華之妙選優游玉堂之署出入金鑾之殿擅瀛

洲之美譽承輔辰之清問至若鳳池之職尚寶之司
掌絲綸於紫詰典符璽於彤閣有宗人以統天潢之
派有銀臺以通喉舌之機若乃六卿分職位躋台鼎
贊廟堂之謀謨總藩方之政令至若憲臺之任風紀
是司誠耳目之所寄實法度之攸施若夫都府有五
軍政是宣奮貔貅之將士耀霜雪之戈鋌保圖與於
安堵掃絕漠之烽煙至若都邑有庠序雍有學育才
於茲以儲以擢若夫容臺典祀士師明刑錦衣總夫
儀衛巡警係於五城鴻臚謹朝謁之禮太僕司監牧
之名京轅布列於州郡田野參錯於屯營至若奉神
有祠報功有廟梵宇琳宮光輝朗耀倉廩之積如坻
如京露積紅粟陳陳相因鎔甲晶熒士卒精銳靡疆
弗摧靡堅弗碎驕驍驍驍驍驍驍驍宛冀之駿渥注
之良充乎內版磊落騰驤又有福山後時秀出雲烟
實爲主星聖壽萬年層嶂疊嶂奇峯相連鼓鐘有樓
其高接天勢若貫珠萬里綿延若乃朝市既成井邑
斯列閭閻輻輳闔閭有截轂九達之通衢羅萬室之
如櫛富商巨賈肩摩袂接北通朔漠南極閩越西跨
流沙東涉溟渤來百貨之縱橫雜輪蹄之境咽珠璣
爛其輝煌羅綺燦其騰沓至若青樓並峙綺榭相連
妖姬窈窕艷女嬋娟穠妝競倚粉黛爭妍引歌喉之
宛轉迴舞袖之翩躚極酣嬉於暇日窮勝賞於芳年
至若太液之池萬歲之山澄波激灤層岫噴開闔
蔽蔚繁帶迴環疎飛樓於曉曉敵貝闕於巖端門臨
碧蘚之澄橋架玉虹之薄晴光出乎軒檻飛翠麗乎
闌干瞻廣寒之月殿撫桂樹之團團爾其瑤草龍蔥
琪樹羣巖長松之盤古柏之直修篁煙挺老檜雲積

瑰偉之姿奇異之植翦然其陰嫺然其色宛蓬瀛之
在茲恍塵凡之遂隔至若上林衍沃靈囿逶迤瀟以
碧海湛以深池百草綵綵羣芳非寬闊薄乎禁禦
平廣屬乎坤維樂鱗介之游泳縱羽毛之襉襉乃有
騶虞效祥麒麟表瑞白質黑章鷹身牛尾神鹿貢於
遐方白象出於南裔條元兔之繼呈忽天馬之香至
復有馬哈福祿獸獸殊形駝難之異白鳥之頑奇姿
詭態率無縱橫隸首莫紀伯益難名至若地祇協順
天心昭格嘉祥疊臻靈貺藩錫神木不運而自行祥
氣煥發於巨石忽靈蛇之前導現大青於砂積瑞光
燁乎半空卿雲綬兮五色醴泉湧兮瓊漿甘露清兮
玉液靈芝產於碧山景星現於南極禿禿以難窮
彈百隊而莫悉然而歷觀前代迄於往古帝王所都
難可畢舉豐鎬之美峭函之固宛洛之奇汾晉之富
雖或雄據於一時控馭於中土而於今茲帝都之壯
麗又豈可以同年而語哉乃歲庚子告成厥功辛丑
正旦方春和融聖皇御萬萬方會同百辟卿士肅肅
雍雍繼夷戎狄罔不率從戴白之叟垂髫之童且欣
且抃拜舞呼嵩仰祝聖壽萬福來崇慶此皇都佳氣
鬱蔥擴基圖於萬世偉壯觀於九重眞帝王悠久之
業據山河表裏之雄然而聖天子以六合爲家以四
溟爲池以仁義爲干櫓以禮樂爲藩維不恃險以爲
固惟在德之所施至和衆乎穹壤恩澤洽乎華夷致
九有以寧謐躋萬國於雍熙此其所以德侔乎堯舜
道合乎軒羲窮天地亙古今而莫能與齊也臣職禁
垣叨蒙眷顧謏劣是慙涓埃莫補觀皇都之巨麗壯
宏規於往古潔泓弘於長辰陳盛事以爲賦又從而

爲之歌曰冀冀皇都萬方之會今聖德之宏實同覆
載兮聲教所暨一統無外兮又歌曰皇都冀冀民之
所止兮惟皇萬壽福祿無已兮聖子神孫寶祚萬世
兮

爲魯王賀建北京表

梁本之

兩京肇建創萬年磐石之基九譯來王恢一統太平
之治天人協贊宇宙騰歡陛下道冠古今德同堯舜
定鼎在興王之地建都效上洛之規瞻恆岳而控西
山躋居庸而挾深薊壯九重於南面運啓文明時雙
闕於中天高連營室百工和樂而趨事庶民悅豫以
子來慶雲見五色於瑤壇瑞日煥重輪於帝座吉蠲
元旦而登五位式負輔展以朝百官道里均平山川
鞏固於此繼天出治發政施仁禮樂明備而三階砥
平垂拱無爲而四方來賀綏音誕布允爲洛誥定命
之書鴻業告成載詠銘京復古之雅

北京賦

陳敬宗

惟聖皇之建北京也紹高帝之鴻業啓龍潛之舊邦
廓天地以宏規順陰陽而向方準四裔以布維揭八
表而提綱燦星分於箕宿映黃道之開張壯天險於
居庸互重關於太行會百川於遼海環河岳於封疆
拱北辰兮帝居陋鞏固於金湯均萬國兮會同而適
居天下之中央也於是頒給音建皇極布深恩施廣
澤捐內帑之金錢出天府之玉帛寶工垂錫匠石歡
聲傳衆奔走萬國雷動雲興紛紜絡繹忻忭踴躍各
供厥職遂選材而度物資百神以興集魁奇挺拔千
仞之名材五色五采希世之珍特輦載旁午舟運充
斥紛河輪而海會肆丘壘而山積爾乃太史告吉司

空奉策魯班運斤公輪削墨智者獻謀勇者宣力精論巧思悉就經畫百堵皆作奮擊暮鼓之弗勝庶民于來威頌靈臺之勿亟歸壯麗於崇朝睹崔嵬於瞬息前朝後市之規既肅肅而嚴嚴左廟右社之制復亭亭而翼翼布列有序不爽尺寸妙合化工莫究窺測其正殿則奉天華蓋謹身之尊嚴廟以文樓武樓左闕右闕之崢嶸開千門兮萬戶帶嚴廊以迴紫臺百尺以嶽嶽重三階以躋登屹中天以層構抗浮雲而上征激日景以納光耀丹碧於紫清觀其瓊瑤砌赤墀彤庭青瑣金鋪綺窗朱欄鏤檻文櫨玉碣繡楹時丹鳳於阿閣棲金寶於鳳樓懸絲虹於修梁躍蒼龍於飛甍含靈曜以欲翔望北辰而高與飾華棟以壁璫綴瑤簷兮列星霞映榮楣之葩萼薰香鬱椒壁之芳馨日華麗文拱之玲瓏空彩鏤翠思之晶瑩三光臨耀五色璀璨壯麗穹窿莫聲名贊憑鴻濛以特起凌太虛之汗漫爰崇乎雲霞之表巍我乎層漢之半筵天關以益崇炳祥光而增煥目眩轉於仰瞻神悄悅於流盼雖使都盧之巧捷不敢以躋攀翔鸞之扶搖不可以鼓翰此誠所謂曠千古之希逢超萬代之奇觀者也其前則九門洞開盤路如弦軒轅豁豁坦坦平平望闕丘兮峒嶺接靈壇兮山川昭神昭今景彰瑞彩兮雲煙啓大明兮當中國翼長安兮東西森拱衛之嚴密列周廬之逶迤耀雪霜於戈矛揚鷹隼於旌旗選鵬冠之相相精百萬兮熊羆維方叔兮召虎繇謀略兮神奇聯金豹與玉蟬紛烏奕而光輝雜冠冕兮趨踰百司兮威儀各摠忠兮獻納亦覃慮而論思天官之明衡鑑司徒之謹度支宗伯

之修禮樂司馬之整六師秋官之邦刑是慎司空之百工惟時羣僚濟濟各謹攸司大小率職庶績咸熙其後則有太液之池萬歲之山琪樹敷榮金芝芳妍翼鳳飛兮絕巘波龍鱗兮澄瀾聳靈峯於天上流惠澤於人間其右則乾清坤寧之宮太乙紫微之所壯皇居於九重肅勾陳兮天府若夫蓬萊方丈之神區閭苑瀛洲之仙宇臣實昧於見聞不可得而殫數其左則爲文華之殿鶴禁青宮玉葉金枝儲副是崇講道有德惟孝與忠體文王之三朝謹視膳之禮咨又其左則有天祿石渠之閣金馬玉堂之署濟濟逢掖最義章甫講說六經之言談論羣書之語斟酌禮樂之文涵泳仁義之府莫不欲筌鏘乎治道黼黻乎皇度至若靈囿之所蓄亦雜杏而紛綸麒麟之振振騶虞之彬彬白象之瑩潔如雪金猊之威猛如神顯靈姿於龍馬逞奇文於福鹿絢綵霞於丹鳳胚元免於蒼玉鸞鵠之色維黃素鳥之質耀霜紛珍異之炳煥咸獻瑞而呈祥他若內藏寶貨之充金玉珠貝之富象犀虎豹之雄驕驪驥之庶國家富有萬國茲固瑱瑱不足數也其外則都城列兮萬雉開十二兮通衢蔚邦畿兮千里比百萬兮民居接棟連甍溢郭填郭霽雲鬱鬱密而不疏邑里錯分井分區四民樂業室家歡娛農務耕桑士究乎詩書維工及賈賈賈有無百寶之所充斥百器之所崇積燦金珠兮列肆聯綺綺兮阡陌珊瑚琳琅璀璨奕飛畫棟兮綠蔭萬王侯兮第宅填車馬於闐闐紛雜沓而絡繹喧舞榭與歌樓樂鐘鼓兮听夕載瞻辟雍學宮逶迤穆穆予宣聖之廟肅肅予羣賢之祠崇祀有典釋奠有

儀歌械樸以作人偉髦士之攸宜贊朝廷之禮樂炳道德之光輝於是經營既終厥功告成方青陽兮屆辰逢吉巨於元正於時萬象維新三光以明麗慶雲於璇霄燭祥光於太清皇上服袞衣乘鸞輅設警蹕陳鹵簿翠華威蹕雲飄霧潔精誠寡思慮奏雅樂諧韶護謁郊廟告太祖香芬芬其上升靈昭昭兮來下眷盼聖兮方集綏萬福兮純嘏於是升金根旋太常御正殿開明堂朝百官臨萬方會諸侯陳玉帛旌淑慝明黜陟然後布德和令行慶施惠錫高年兮上尊進賢達於庶位敦唐虞之道德厚湯武之仁義與三代之禮樂黜漢唐之功利炳玉燭調元氣協重明於日月俾化工於天地使九州八荒含齒戴角之羣四方萬國懷仁負義之士莫不熙熙皞皞於泰和仁壽之域仰事俯育於漸摩涵煦之內此誠所謂恢鴻業於千古開太平於萬世際圖而覆載大一統而無外也是知國家萬萬年隆盛之慶皇上萬萬年高厚之壽聖子神孫萬萬年無窮之祚蓋與天地同爲悠久也

北京賦 李時勉

惟皇明之受天命也我太祖帝皇首仗義師以平暴亂豪傑景從聲振江漢削除僭竊拯民塗炭定鼎金陵撫綏萬邦乃瞻茲土實雄朔方倣成周之下洛欲並建而未遑逮我聖上繼明重光握乾御極一遵舊章仁聖洋溢乎遐邇恩澤汪濊於八荒既致治於太平遵皇衢以省方仰先志之未遂度弘規以作京光經營之伊始徧中夏其歡騰曰惟北都在冀之域右挾太行左據碣石背疊險兮重關面平原兮廣澤宗

恆嶽其巍巍鎮巫閭而奕奕冠九州之形勝實爲天府之國是以軒轅邑之以分州唐堯階之以爲帝嶺神化以宜民大勳德之光被鬱王氣之所鍾於今茲而有待也於是仰瞻析木俯測地靈龜筮兆吉天人叶應神祇獻珍而山石自出河嶽效靈而神木自行民子來今相續期不日而功成爾乃懸水樹景識景表營方位既正高下既平羣力畢舉百工並興建不拔之丕址拓萬雉之金城引天泉於西阜環湯池而鏡清九衢百塵之通達運甍遂宇之縱橫顧壯麗其若此非燕逸而娛情蓋所以疆幹而弱枝居重以御輕展皇儀而朝諸侯遵先軌而布仁政者也若乃四郊砥平皇道正直視萬國之環拱適居中而建極其南則萬流宗海平林蔽天攬鄆鄆鉅鹿之廣衍地平疇沃野之綿延溘於恆衛徑其野濡磁涑桑匯其前界以大陸廣阿之弘壤阨以大茂井陘之連山包絡趙魏襟帶齊魯膏腴之地綿亙三千餘里而極於黃河伊潁之川其水陸之所產卓犖繁盛蓋莫得而計焉其北則疊嶂崑崙層巒蔽虧長城盡乎雲表百泉湧乎山隈壯天關而設險守一夫而莫開偉左盤而右顧宛鳳舞而龍飛實磅礴而鬱積粵擁衛於邦畿包狼山上谷之險據野狐獨石之危掩祖山木葉之離立連白登紫塞之逶迤控女真而極乎洮河之北鎮朔漠而逾乎瀚海之涓控弦之類射雕之羣畏威懷德相率而來歸其東則潞河通漕控引江淮肥如澤淶灌注繁廼連峯片石之隘首陽崕峒之厓玉田白登神仙瓊臺超無終而越金山路遼瀋而逾鴨綠至於陽谷日出之涯固已遐哉邈乎而莫不在乎綏

懷環以大海衆水所歸洪濤巨浪洶湧崔嵬蓋不知其幾千萬里而蠻裔番舶帆檣隱天上下不絕而往來又有蓬瀛方壺鳳麟聚窟十洲三島靈異非一琉精之闕瓊華之室瑯城峒嶠金臺萃祥紫氣丹青雲騰日靈囿倏倏安期羨門之倫相與遊從乎其間出入隱見而恍惚瞻帝京其伊邇庶可見其驂鸞駕鶴之髣髴其西則崇山鬱翠高挹泰岱北接居庸南首河內奇峰擁關龍門阻隘玉泉垂虹青煙浮黛上嶺嶽兮倚空下蟠據而際海其麓則有渾河湯湯西湖決決鹽溝琉璃瑯桑乾廣陽雪波泛湧潞汪洋一瀉千里會流帝鄉又有上林禁苑種植蕃牧連郊踰畿緣丘彌谷澤潞川匯若太湖瀛海渺瀰而相屬其中則有奇花珍果嘉樹甘木禽獸魚鼈豐殖繁育馳騁藉藉不可得而盡錄固可以因農隙而校田獵選車徒以講武事乃遵國風稽王制詔期門簡將帥乘玉輅擁翠蓋出天關而雷轟轆芳郊而雲會非所以威戎誇敵娛樂稱意蓋將取不卒而除舊害符無澤而順殺氣謹大易之用於三驅之時驗騶虞之仁於一發之際木衡虞人之容與武夫壯士之奮厲皆知夫仁者之爲勇而以投石超距之足鄙亦何必殄夷禽獸割鮮野食而以俯仰極樂之爲貴也若夫宮室之制則損益乎黃帝合宮之宜式遵乎太祖貽謀之良居高以臨下背陰而面陽奉天凌霄以磊珂謹身鎮極而嵯峨華蓋穹崇以造天儼特處乎中央上倣象夫天體之圖下效法乎坤德之方兩觀對峙以嶽立五門高矗乎昊蒼飛閣飏以奠乎四表瓊樓巍以立於兩旁廟社並列左右相當東崇文華重國家之

大本西翊武英嚴齋居而存誠彤庭玉砌璧璫華廊飛簷下啄叢極高敞闊闊而蕩蕩儼帝居於將將玉戶燦華星之炯晃璇題納明月而輝煌寶珠焜耀於天闕金龍天矯於虹梁藻井煥發綺繡玲瓏建瓴聯絡複道迴衢軟霄漢以上出俯日月而盪智五色炫映金碧晶瑩浮輝揚耀實雲紅其後則奉先之殿仁壽之宮乾清坤寧寧壽隆慶掖殿房閣闔闔通其前則郊建園丘合祭天地山川壇壝恭肅明祀至於五軍庶府之司六卿百僚之位嚴署宇之齊設比館舍而並置列大明之東西割文武功而制異至於京尹赤縣之治所王侯貴戚之邸第辟雍成均有賢之地守羽林而掌伏飛者至九十而有四衛莫不井列而基布各雄壯而偉麗其嚴廊之上則有旱魃稷契之倫元凱俊乂之輩相與齊虞廷之歌談義農之際聲補袞之能懷忠貞之志考禮文於大備贊聲樂之盡美是以朝無缺政德教漸暨薄海內外均陶至治幸其有作事來趨事成此大功忘其勛勩人和既極休徵滋至慶雲瑞霽之覆於闕庭素鳥元兔之獻於丹墀醴泉屢出甘露數墜麒麟騶虞之珍馴御天馬之類紛紜雜還莫能殫記於以見天眷之益隆而聖德之純備也於是正月上日工既訖功爰告成於天地肆綽美於祖宗清心凝慮齋肅雍雍盛既潔怪性既豐分郁郁以旁達靈續續其來降錫嘉貺之穰穰介景福於帝躬將順應於昌期趾盛美於無窮乃服袞冕御帝座開九重之深宮受萬邦之朝賀內侯甸而要荒外殊方而異俗胥近悅而遠來紛鼓舞而匍匐方物溢以充庭參絢燦而駭驅率蹈舞於階

堦效華封之三祝爾乃淡和會昭景鏗鏗鐘奏雅樂詔光祿以開筵合百辟而燕樂饌珍玉兮芳馨疊瓊漿以斟酌聯貂蟬兮來陞維蠻夷之荒服莫不酣暢而飽德咸頌歌而踴躍越填城而溢郭藹歡聲於寥廓斯可以媲美太古之無爲慶華胥而蹈栗陸顧皇上之謙抑視至治爲未足於是降德音播嘉惠省刑罰薄稅斂汰冗濁旌廉吏舉賢才擢俊乂發倉庾賑貧匱尊高年而禮有德慎防禦而修武備貴爵重賞以厲廉恥厚往薄來以馭吏胥蓋欲使人知所本士知所勵四方萬國無一民之失所窮陬僻壤無一物之不遂舉陶於春風和煦之中而樂於雍熙太和之治此蓋堯舜兢業之心文王敬止之意所以紹鴻業繼先志益宏遠而有偉故不勞而甚易冠絕乎前古垂休於後世固可必聖子之與神孫益昌盛而無替小臣微陋奉職文字願賦帝都之盛概揚國美於萬禩復爲之歌曰煌煌帝都今逾錦豐阻山帶河今壯以雄天開日月今王氣所鍾穹窿造天兮惟帝之宮廓氛祲兮開溟濛鎮夷夏兮宣皇風王道平兮四方來同願皇圖之鞏固歷萬世兮無窮

北京賦

黃佐

粵若稽古帝軒都涿高陽幽陵宅繇北廓堯之爲君始於唐而建國周封其後亦於薊而列爵帝德不隆莫尚於燕明庭萬靈之所朝光被四表之所先夏后治水則夾石碣石召伯分陝則錫山土田所謂王不得則不王而秦漢乃棄置於窮邊契丹則南京始建而中都大都遂代興於金元天將俾於有德於是文皇肇建爲行在應大典之顯符光黃唐於遐代北平

易名以順天旋坤軸以正乾蓋此實天府之國乃混一之大都會其地博大以爽塏互若繩直而砥平倚重險而壓函夏屹若坐堂皇而祚廣庭盭幽并之氛寧揭日月於大清其端門以普照合宇宙而大明惟帝降祥匪人弗成假手於至元而豫兆於明矣蓋淪胥五百歲天運剝極而後復析木開津元冥司軸望醫閭以爲鎮宗恆山以爲岳水環繞以爲幘山雄峙以爲幅輳岵巖乎沙渚陂淀注乎旱麓德備而牧者五授之畜穰穰而獲者五種之穀朝宗則河濟淮海守險則漁陽上谷儼恭謀之不臧奚景命之有僕開築黃金之高臺思展賢才之驥求文武以戮力遂末綏乎天祿及至定京師建辰極也縣水樹泉規元矩黃昏緯冥合龜筮襲祥營繕釐其務司空提其綱命離婁使布繩施隸首之算章枕居庸於紫塞環瀛海於扶桑襟滹沱於清苑擁太行於雒陽廣九門以通軌摹八區而辨方地不愛寶天降珍物神木自行山石自出巧倕公輸剖剡緻絨獻傳捐金功成不日環重城於天陔森飛觀之盤蔚長虹帶通壑以委蛇萬雉冠崇墉而律躡輦道纒屬朝著彪分周廡拱衛列應星文長安大達冠蓋續紛其下九塗簇簇輶輶曳髮編芒鋪若烟雲戎匠受役藝精勦角隅珥市廊隴孔殷疎樓映肆歡快典墳鼓篋固多彬彬文雅之士而感慨悲歌者亦任俠而成羣於是邸舍填溢履不容旋紅塵冥冥暮面頰有灼婢女士輻輳高騫明眸元覽金翠翩翻當折筭而易智亦豔妝而逞妍貴璫要鉉子姓童隸僇僇自雄司察反避衣狐白而策乘黃攬姬姜而棄樵悴昏酣睡毗以執鞭日暮樵

埋而弗忌京游之士實繁有徒通籍禁闥噓榮喻枯賂之則升天階忤之則淪漏壚豺狼晝伏於當道而惟訓彼稷與與坡孤至於翺翔四郊走田飛弋闕難蹴踞罔事貨殖儻挈金以普價俄躍馬而鳴鐃詠皇路於天衢是以姦惡發而亡迹蓋圻甸提封會歸攸止險其走集守其要鄙兼夏商之職貢奄秦漢之文軌梯航累乎九譯廐置通乎萬里其陰則天壽磐固長城崔嵬古北喜峯蘭峪黃崖重關疊嶂之樂天守以一夫而莫開彈琴鳴乎其峽黃花鎖乎其隈大關越乎湯峪娉川流於懷來野狐獨石之崑崙龍沙瀚海之濛洞攬蒙狄於開平遡龍虎之墳臺北征於時而振旅霓旌參簇乎斗魁酌葡萄酒之玉液旃裘伏而獻醅其陽則三橋萬柳玉河通惠潮白桑乾百泉所會緯以冰易磁濡經以淤漚淳衛掖以大陸封龍撰以井陘無棣襟黃河而帶伊潁絡齊魯而苞趙魏登披雲以延佇見天津之遐遼東吳輪乎杭稻叢雲颺以如薺鱗介泳於川湄崔葦紛乎旆旆海陸產乎珍美雖林閭莫能以漏計東郊則有潞河之灣通漕之流控引江淮運集棧艘萬國冠裳以發以休玉田黍谷蒙嶂之眾跨遼瀋而踰鴨綠山川菴藹而相樛陸燕昭之妄謬迎羽人於丹丘汎延芳於鄣陰得契丹之莽洲鵝鶩散而海青蕭尚餘四極之浮浮西郊則有玉泉垂虹西山積雪西海澄波流入皇闕盧師二龍蜚遶潭穴平坡翠微五華屏列潭分玉淵蕭爽皎澈崆峒石經之天矯大房孔水之融結越鹽薄與劉李乃縱志而舒節過督亢之荒陂悲丹軻之計拙返薊丘而眺廣陽躡齊政而隆禪樾渺西湖之蒲荷絕

龍舟之競，歷水天混而光流，涵沙禽於鏡月，爾乃朝陽近郊，將臺威陀，偃武云久，講藝投戈，崇文觀路，曲接海涯，率茲露渚，至於白河，直沽，瀉瀉，漚漚，多開鑿，成隄，大有麥禾，穰穰，歲獲，富我天家，正陽之南，苑囿，闢拓，三海，汪洋，四序，弗凋，按鷹有臺，飛放，攸泊，狐兔，噴噴，麋鹿，濯濯，浮飲，衝波，宛渾，濯泊，其淵，則有文蛤，水馬，朱龍，金龜，絕綸，巨鯉，衝苦，奔鮪，鰭鱗，繁於泳光，鱗鱗，說於靈蟄，其坪，則有雲木，煙蘿，森森，裊裊，隄柳，汀蘆，縣梨，火棗，梧疎，風條，槐舒，龍爪，森至，紛披，與被，浩洋，其亭，早則有鴈，鷗，鷺，有鳬，鴛，鴦，水宿，萬羽，叢沕，迴翔，其叢，伊何，葭蕕，蒼蒼，靡蕪，芣苢，藁本，莎香，射干，陵苕，堯韭，禹糧，美蕖，莢青，我兔，絲鹿，腸其，奧墻，則多松，檉，楸，栝，楓，楊，楸，楸，檉，樺，梓，梅，杏，棠，棣，六駁，四照，日曠，雲蒂，雨霰，風胎，並育，庶類，猿鶴，蜉蝣，征經，息百，態上有，捕雀，垂鳶，之錦，驅下有，嚇虎，綴綬，之刺，蜩，初疑趨撲，之可及，倏已，騰躍，於無際，區區，彌視，栗界，軼駭，弓丹，翠葩，敷仰，不見，空映，流淦，望激，澗成，洪鳴，不漏，景陰，不翳，風密，孕元，氣昭，鋪化工，鳴嗶，互而，域別，谷籟蒼，而響，同虞，官待，符玉，鑾間，入扈，以羽，林騎，而袴，褶長，圍漸，合羽，毛畢，集軒，鉅來，而輶，志歸，輿，輶，輪而，伏決，拾，耕，適脫，而反，穹昊，條甫，解而，幾遐，限於，是扉，門張，華旂，揚凝，茄鳴，疊鼓，鼓，迴颺，颺起，燈，燭，發失，命中巧，於更，風骨，結而，震網，搖撞，秘而，坤軸，昂翹，翹匿，爪而，迅，搜，猱，猱，振，斷以，交，鏑，其獲，如，雨，割，鮮，舉，觴，羣工霑，醉，分，拳，賜，盼，蓋，講，武事，於農，隙，而匪，遊，豫，於太，康爾，乃西，循，宜武，越，彼金，岑，草塲，蕃育，舒，鴈，翰，音，野塘，鳬，藻，唼，呷，浮沉，至於，阜成，苑，開上，林，蒼蔚，蔚，愛，對，蘋，菓

成陰崇桃，黃實乃玉，乃金花，紅青，翠香水，黑翠，朱櫻，素奈，若樞，丹樞，虎刺，斑斑，於樞，梓，頰，婆娑，於來，禽，英，絡其，間，蟬，妙，相引，亦有，嘉蔬，綺綺，蔥，豐，本，黃，芽，赤，根，天，花石，菌，蕪，菁，芸，藁，藜，荜，薑，薑，萊，煎，煎，於夏，尊，水，蘇，脆，於冬，爭，逆，菰，循，崖，元，屬，赤，脂，青，蒙，白，望，金，星，畫，眉，貞，珉，類，玉，可，碣，可，碑，宛，平，流，壤，陶，為，琉，璃，光，瑩，鑑，人，結，甃成，職，雖，拳，石，與，撮，土，亦，鍾，淑，而，環，奇，遵，西，直，而，北，指經，得，勝，與，安，定，愬，東，直，而，迴，躬，歸，瑜，珈，之，海，印，集，毛羣，於，幽，都，以，谷，量，其，羣，孕，陋，彼，周，宣，之，考，牧，匪，直，牲怪，之，肥，腴，至於，御，馬，之，苑，惟，二十，區，日，閑，與，衛，衛，歲，產龍，駒，犂，背，八，駿，以，靖，難，迄，今，七，職，之，翰，如，乃，有，榜，葛麻，林，麒麟，並，車，周，郊，石，固，迭，獻，騶，虞，福，鹿，文，逾，於，吉皇，元，虎，豪，勝，於，黔，苑，馬，哈，雙，角，垂，腰，而，類，解，駝，雞，元翎，玉，翻，而，異，餘，凡，致，諸，福，之，物，有，王，會，之，所，未，圖，而歲，革，月，化，莽，為，數，區，尚，存，馬，政，之，流，弊，民，瘼，奚，繇，而告，蘇，然，而，始，設，京，輔，之，屯，分，自，雷，衛，之，牛，起，富，民，以充，殷，實，於，以，均，貧，而，杜，亂，於是，弛，真，定，廣，平，疎，薄，之田，賦，與，河，北，滄，濱，之，鹽，稅，而，不，算，時，築，雲，代，之，敬，臺歲，防，河，間，之，水，患，於，萬，斯，年，既，隆，內，治，而，謹，外，扞，矣馭，世，長，策，豈，非，超，黃，邁，唐，為，百，王，冠，者，哉，其，宮，室，也闢，丹，地，之，焜，煌，開，天，閣，以，高，曠，垂，若，華，之，景，曜，儼，望舒，以，相，頹，晃，曠，萬，疊，嶺，舒，趨，蟬，旋，鱗，萃，屹，若，崇，岡抗，浮，雲，而，上，征，互，玉，繩，以，齊，光，正，殿，則，奉，天，尊，嚴，陵霄，填，極，華，蓋，承，宇，居，中，儼，特，謹，身，聯，後，益，達，以，恤，綿邈，豐，形，穆，羅，坡，減，重，陸，雲，簾，花，礎，盤，碣，四，面，軒，沫，下瑩，瑤，城，瑣，隱，藻，井，間，金，繪，飾，上，規，圓，以，穹，隆，下，矩，折而，繩，直，楹，繞，金，龍，以，甄，薨，檐，騰，神，鳳，之，羣，華，續，紛，九

采之璀璨，卷畫，罕思之，絡繹，其前，則奉，天，之，門，常，朝是，衙，爐，聆，偶，儼，岳，岳，峩，峩，飛，宇，建，寬，粉，拱，蒸，霞，陰，蚪負，偏，陽，馬，承，阿，中，奠，黃，屋，鏤，以，金，華，結，臺，開，軒，含，景數，葩，八，維，象，乎，紫，極，四，表，達，於，絳，河，遏，絳，風，於，間，隙流，旭，日，之，靈，和，闢，披，四，目，陞，納，九，齒，明，翼，等，威，玉，筍攸，止，鬼，瓊，樓，而，立，兩，旁，文，武，分，而，鼓，鐘，時，出，掖，門，之東西，棕，簷，延，而，對，起，曰，思，善，與，景，運，於，左，右，而，遙，邇雲，關，翔，五，鳳，於，璇，霄，玉，橋，互，三，虹，於，金，水，直，虛，宿，衛容，裔，於，前，而，斜，廡，盡，蟲，乎，其，相，睥，午，門，之，內，殿，閣，麟岫，東，有，文，華，蒼，龍，守，閭，上，憲，攝，提，折，木，之，津，先，聖，先師，祠，禮，惟，寅，啓，樞，山，之，碧，鏤，鏤，荔，丘，之，廣，輪，扈，以，文淵，東，觀，與，鄰，史，館，聯，開，雕，闥，相，因，冊，府，甲，觀，圖書，萃珍，西，有，武，英，金，虎，環，陛，象，彼，指，鐫，衡，石，積，唐，虹，梁，錦棟，截，噪，迢，遞，端，居，存，神，修，令，發，制，牙，璋，葆，葆，茲，動，富厲，百，爾，茂，務，罔，有，停，滯，左，入，太，廟，迫，廟，街，門，四，孟，時享，對，越，駿，奔，東，建，齋，宮，高，廣，端，正，簡，樸，無，華，道，萃，誠敬，官，垣，之，外，東，苑，是，營，坦，塗，象，徵，遞，接，南，城，浴，瀉，嬰堞，靚，深，觀，宵，夾，路，嘉，植，攢，峰，開，沼，林，霏，幽，塊，石，瀨，迴綠，天，然，縣，圃，中，有，壺，嶠，時，端，陽，聳，翠，華，翔，建，駕，棚，集龍，驤，擊，綵，毬，射，垂，楊，帝，子，王，孫，金，玉，交，相，薄，言，觀，者股，肱，之，良，勁，捷，躍，譙，藻，詠，柏，梁，求，樂，之，世，角，藝，性，常亭，臺，經，始，宣，廟，雅，制，天，順，復，辟，式，廓，以，麗，龍，德，之，殿拱，板，正，中，崇，仁，廣，智，左，右，相，雄，形，塤，堦，砌，瑤，瑤，檻，綺，欄其，門，則，丹，鳳，在，南，蒼，龍，在，東，殿，後，秀，巖，巖，黛，騰，空，環屹，運，之，團，殿，聲，縹，緲，之，奇，峯，巖，亭，旁，時，凌，雲，御，風，玉梁，在，前，追，琢，玲，瓏，夾，以，天，光，雲，影，表，以，戴，龍，飛，虹，永明，佳，麗，窈，窕，通，環，碧，在，陰，淙，淙，溶，溶，錦，麟，文，禽，鳴

喁喁嚙淨芳瑞光門閣穹窿跨以翔鳳梯霄煩潔別有閒館嘉樂昭融出入東華是謂南宮凡其金鋪朱戶莫不掩映乎芳叢聖皇大孝世廟觀德易乾德以重華列鴻慶與崇質仁以欽天孝以追先二閣並樹巍乎煥然浮丹麗紫納雲冠月負辰萃誠達於天闕協鴻名於大舜終以崇先而昭揭右社衙門入祭社稷爲民祈報如幾如式又有西苑越在子城入自西安出則乾寧萬歲之山秀拔崢嶸太液之池環抱泓渟雖名由元立天肇明禎然徒宋良岳延引玉泉則金狄之所經營其遵襲城而防丹梯也攀承光之金殿麗飛鯨之石梁踰數百武則鐵絳丹檻浮游蘭漿達瓊華島登廣寒殿而超方羊通而聆之玉螭金鼈堆雲積翠坊表金碧照映松檜遠而望之崧岱並立大河橫帶俯視江淮一目無際恍若凌倒景而躡鵬翎入鈞天而聞鳳吹飄飄霞舉豈非快哉梳妝高臺已化蔓草而仁智列楹瞰山半者亦幾經興廢矣介福延和厥門尚存而昭行殿建自先朝者實爲大觀東有凝和陸離駁駁浦澈烟綿龍舟鳳舸西有迎翠遙挹山光林幽鳥悅岑蔚翺翔東北太素草繡至飾質任自然如植圭壁九島池北涵碧亭亭丹檻翠牖隱映淵澈綠瓦但東樂成觀櫓雲確風輪千以杵杵承光南詩崇智在茲金蓋玉檻旋匝循磯芭蕉園南灌木葳蕤日照和者越紅亭闢黃扉而見水田農舍乃知小人之依從南臺達西隄過射苑轉芳蹊入兔園小山之門而躋焉洞泉九曲金龍注池松蘿陰陰居然青谿出園東北瞰池倚壁暨後左門亦真翼室各有平臺迢遙靖密武廟於斯閱騎射而吾皇恆以

延輔弼軒曰遠趣館曰保和亭則歲寒飛香與擁翠映輝會景與澄波飾爲錦芳亭前有治啓開通池花卉圍繞翠芬出於竹陰寶月藏乎樹杪玩芳距疑素以芬藍臨漪倘美金而淡晶皇營新殿清韻是名芝楣繡拱虹植電衡耀碧霄以紺闥垂毓華之光晶牡丹紅藥之屬普受和氣而嘉生至於園有丹桂綠猗渚有荳蒲蘅杜而溪驚天鵝諸棲泊者又莫知其數懸獅異獸石臺銅柱收放其間匪直斑龍典瑞兔文靈囿於焉再睹蓋自元武門外出北上中山勢蜿蜒而未窮其下周迴百果龍蔓出其委翳回眄天池翠島眞蓬萊之在九重也乃立保泰格於元極殿聯無逸所重民食亭揭幽風耕藉黍稷倉曰恆裕扉曰寶穡壇祭穀祇五福時錫復有蠶氏之館採桑之臺以備親蠶繅織剪裁修飾仁壽之宮踏六鼈而造三台嘉禾連穎瓊藕成筐則奉慈闈而進仙杯綈幕轂鸞鳳車徘徊而神御望清之閣頽清虛而洞開於以見皇心仁孝愜元眞而洽滄厓乃若後宮則有奉先之殿次以奉慈禘則太先永言孝思配帝明堂睿宗惟宜夙御景神寶善慎獨休明昭融迎祥安福玉祀金扉祇祇肅肅清寧之宮棕殿以朝後園炫映樹玉池瑤乾清坤寧兩儀成象純殷寶勢閭闔相向房闈內布粹疏外陳六官旁列爰處妃嬪東則延鍾粹毓德西則啓祥隆禧景仁複道迴衡以聯絡掖庭阿那以采循百子符籙斯之蟄蟄千嬰應麟趾之振振碧瓦鱗差朱門斐絕欽安中黃表儀四極雕鏤案蕙樓椒壁樣彤殷乎朱櫺芳聲流乎翠帶明珠燭元夜以爲晝列錢耀白簡而成色居瑤光之臺與御瓊

珍之象席銅龍慈節其與居銀綬嚴防於斯夕日精承千祥之滋至月華炯百福以翼翼東宮左達鶴禁透隨西內作對燕居惟時勤儉麗嫺安樂且綏撤大善而燬佛骨崇聖學以恆紐熙堂有精一執中弗違室有恭默匪道弗思齊有九五天德是祇亭有敬一御簾永貽乃成皇史以寶芳策今可述而古可稽皇城東南高宮宏啓長孫所居軒墀殿音東安與隅十王有邸差次麗陳皇皇華華前星重輝天潢分汜萬角鸞浮千栢鳳起迨夫光祿大官六科黃門尚寶之司亦邇東安黃衣有徒灑掃供事儀文璽綬以及樞關監局之號二十有四銀瑱珥貂時維閑寺出入絳闕捧擁璫與遊我綸綍敬慎不渝於時天顏正王道復顯巍巍徽穆穆昭景鏤絕芽慈龍威元端齋明盛服魚貫有序六尚分局永巷惜愔愔若承旭出納精微無遠弗燭乃若九門中恢京城之前孔道馮隆其直如弦文皇肇祀合地於天岌集靈壇接以山川制倣畱都獻歲揭虔壇分四郊吾皇攸建乾父坤母南北祿獻見日妙月東赫西烜二至二分受益錫羨祈穀舞雩亦罔不徧昭明寅畏用德克堪卿雲呈綯滿露飛甘六幕清宴百嘉粍單窮靈極祉有圖牒所靡談者矣是以白環碧弩之貢日旅彤庭之琛星聚河清之歌歲登樂府之詠侏儒之從王化猶洪聲之收清響雕題之架神州若游形之招惠景會同之館惟見其來鳥蠻之譯不聞其懸揣旄倪而爲家日嬉遊乎市井觀治化之元同徵邊陲之無警爾乃設官分職宅後防明長安左右三事九卿文武分闕曹司坐扃玉河東西齊家翰瀛太醫列院欽天步星太僕設

寺考牧於京鴻臚行人各守典刑督府參以奉常法司聯乎貫城五軍之外三千奇兵益以神機為三大營備其精銳則立團營十二不振乎天聲然猶偃戈

鉅修俎豆而樂育胄監之英是以宣后儲神矢詩於穆清北望崇文之閣而思天下化成承天之門具瞻

攸聚月朝京尹率見宣諭黃圖確錯正厥稅賦太倉儲粟積塹紅氈督以司徒出納援護北控九邊是致

是附垢玩恭於正德四家監乎百度鎮卒不雷屯而折色是需鹽商不詣邊而轉運民部墩臺日傾什伍

暴露吮咎內侵皇赫斯怒尚賴乾符助順坤珍助富邊郎萬鎰資徧於長城工程百爾惇大而成裕荷徒

苦節駕言守素則是絕文字而結繩棄冕綬而冠布也爾乃練時日選車徒萬乘出七萃驅校恩揭殿陵

祀之居行宮開闢沙河之塗思先靈之陟降越昌平以北肝精禮畢戒射夫弋欽礪磧封狐羆氓唐至最

獲畢屠銀山鐵壁陽翠軍都星奔電擊冀馬燕孤田獲庖充爰賜大醕乃幸九龍之池饗時間萬歲於寥廓大京陳鞞轡作天酒醺皇情樂薄暮言旋軍麾動

乎朔漠皇不自聖周爰咨謀動威鼎輔召邁前旆足食足兵幃帳運籌內帑充乎十庫外東貯於通州鈇

規芻粟飛輓若流築外羅郭紆南牧憂磈礧金燈枚枚雉閣包括崇文竣於宣武黔首樂依光我成祖建

旄干以標望不可仰而可俯雖使都盧之巧捷不敢以投足翔鴨之扶搖不得以運羽由此論之策天功

以臻成必有非常之元不惜小費乃罔後艱是故襟帶周則保禦易楨榦固則搖拔難淵源深則淵派決

盤根大則奕葉繁蓋觀諸天乎上提三光下輪厚坤

連珠合璧日發斂而不憚其煩乃能榮百昌於萬古鋪元氣於人寰

皇都賦 井序

董應舉

昔宋人有作汴京清明圖者寓思頗遠移乎有豐豫之警國家定鼎金陵成祖改卜取象北極蓋示

星拱之義兼以迫壓異類顯揚威靈有警則烽火易傳地近則號雷易震赫哉聖謨奠於世世矣侍

御某公深得此意繪之縑素名曰積勝予反覆流覽仰聖神之無覓見皇圖之有奕撫卷吮毫不覺

妮妮夫豐水貽謀商邑建福商周諸君子之所侈揚也上林三都亦極人才之致予雖才謝昔人而

意各有為豈曰侈目飾觀曼靡蕩志云爾其辭曰伊昔建邦實重上游扼險百二環顧中州漢鼎西奠

宋襲東周疆弱斯判圖大其謀惟我國家開天闢地始基於南宣其北旆天啓北土乃殖乃昌收虞都之

疆跡應箕尾之靈光天則有樞皇則有宅汎六百年之氛翳莫億萬載之丕則控沙漠之絕域憑漳河之

橫馭枕居庸標碣石左環滄海右擁太行鸞時鳳翥翼其有京前則涿鹿蛇行黃帝之所戰蚩尤也後則

追貊倚薄召公之所奄北國也蝕於元遼集於天邑纏日月之綺纈帆宇宙之軒廊臨制八方揮灑六幕

於是定鼎凝命正離燕翼卜郊立社經野建極闢四墉開萬雉黃道周互紫垣闕闕值鎮玉柱以擎天截金

題之炫日欽岑迢遞嶺嶺盤躍奇端門之太極耦乾坤之清寧文華武英論道承明亦有離宮別寢開館

崇臺環列星布棋置叢排顯靈祈祥奉先思孝皇極秉躬東宮啓後長樂鐘聲昭陽樹色椒房掖庭璇璣

祕室亦有芳林茂苑少海蓬萊移天河於太液儼星渚之濠洄隱櫺龍之綽約矯射鴻之崔嵬流覽目窮圖畫心額外則百司庶府萬井千廛朱甍夾道甲第

雲聯列肆霧縠蹂躪摩肩胥杳杳璘璘貫層閣則有游士飄飄任俠說劍擊筑快心市駿流羨月滿青樓

仙游奇句角刺僧廬浮屠隱見五方輳集萬貨波瀾炫目薰心貞夫志變亦有殊方車譚通造庭東則

朝鮮句麗南則牂牁夜郎西則無戈月氏北則獯鬻鳥桓各以方物來享來王則有歲星之獸疏勒之獅

驕虞縹緲元豹號犀獨解馬駭駘駘駘駘駘孔雀丹鳥奇毛又有霍山之玉大宛之珠魚腹之璜驪嶺

之寶龍文珊瑚木難火齊寶布象簞錯落照耀斯慎德之所招實綏柔之明效乃若重關屹崑崙川原衍盈

亭館相屬牙葉相乘則有候門尹子抱關侯嬴授管乘箭望氣占星奉使出符之軒分符弭節之車冕羽

飾翠雲霓結旄曳雪星於落日綴明月於圓規走盧溝之危梁馳綠楊之琉璃斥如電激疾若飈分應接

不暇往來繽紛或解輶而偃息或望塵而載奔或風塵而費或道汲而泉或負餒而牧或餽餉而田或倚

樹而哺或荷鍾而眠見稼穡之艱難知民食之所天至若舉金犢置蠆風振颺黃封百道騰鏘千箱蹶馬

仆車咽路轟轟同椎膏吸髓塵轡上方或鑿山而挑禍或航海而遺殃豈共珠之所入盡貂璫之搶攘夫世

無勤而不治欲無極而不荒地無大而不圯心無小而不昌雖累洽於列聖亦虞損於復隍嘗試登高山

望紫塞按圖記列職方居庸紫荊山海遼陽去京師其幾許時業爰於疆場蓋有未樂三犁宜德喜峯銘

未可悉數也

功瀚海天壤無窮英北狩而來復肅城守而張皇貢
市成而甲鈍大羊飽而敵疆吾安知夫戎馬之不郊
櫓槍之不芒甘泉燧而警漢渭橋薄而迫唐於是皇
帝惕然思厥然作奮然坐廟堂朝方岳關四門進鞞
鐸祠郊廟御講幄警桑杜勤錢錙飭邊防疆戎索發
內帑以犒士拔英雄而圖略收出虎於檻阱還掃除
於閭閻實閭閻惠中國歌舜絃之薰風舞堯階之千
籥保金甌於無虞紹祖烈宗功於燦灼將駕三五軼
百王垂萬世等乾坤豈漢鼎唐基所可尺量而尋度
也亂曰天地昏蒙日月揭今太行崩崩天造設今襟
海帶河背則碣今四百重歸景運復今建以爲都皇
則哲今衆星所拱九有截今萬國共球辰其轍今崑
嶺元冥驅妖孽今殫威振靈復芽孽今犬羊不常誰
能繫今庚戌憑陵城岌陞今糾糾干城誰爲傑今守
在四夷三五軼今郊馬不生泉冽冽今魏虎百萬狼
煙絕今日慎德而修備萬世子孫金甌永無缺今

帝京景物略序

劉侗

都應垣也燕之應極垣有三焉極一而已矣日東出
躔十有二極居北指十有二以柄天下之魁杓天險
設於坎地勢厚於坤皇建而人民會歸於極有進矣
中宅天下不若虎眠天下虎眠天下不若挈天下以
瓶而身抵其口雖不如關關不如薊守雖以天下守
關以關守天下必以薊文皇得天子自守邊之略於
厥初封都燕陵燕前萬世未破斯荒後萬世無窮斯
利捶鈴九邊蒙篋四海豈偶哉於焉神人萃物爽憑
成周鼓文漢代瑞像脛翼謂何氣先符應他若潭雲
塔影龍蟠洞光木石幻氣精熙游盛今古雖留更僕

欽定古今圖書集成方輿彙編坤輿典

第一百十八卷目錄

建都部藝文五

小雅魚藻二章

大雅縣七章

公劉六章

京洛篇

煌煌京洛行

名都一何綺

前題

前題

京洛行

帝王所居篇

煌煌京洛行

奉和還京師

和洗掾登城南坂望京邑

帝京篇

賦得蜀都

賦得魏都

賦得吳都

登北邙還望京洛

帝京篇

長安雜題六首

長安曉望寄程補闕

煌煌京洛行

汴梁

大都三首

燕都三首

望都邑

長安懷古

江南行

天眷六章

營建紀成詩

京洛行

長安道

洛陽道

帝京

前題

燕京篇

帝京篇

前題

前題

吳都

宋瑩

明高啓

熊鼎

孫養

岳正

陳政

劉鳳

薛蕙

前人

王廷相

孟思

吳國倫

陶望齡

黃輝

焦竑

汪道會

坤輿典第一百十八卷

建都部藝文五

小雅魚藻三章

此天子燕諸侯而諸侯美天子之詩也

魚在在藻有頌其首王在在鎬豈樂飲酒也

魚在在藻有莘其尾王在在鎬飲酒樂豈也

魚在在藻依于其蒲王在在鎬有那其居也

大雅縣七章

此周公戒成王之詩追述太王始遷岐周以開王

業也

縣縣瓜瓞民之初生自土沮漆古公亶父陶復陶穴

未有家室也

古公亶父來朝走馬率西水滸至于岐下爰及姜女

聿來胥宇也

周原膺黼黻如飴爰始爰謀爰契我龜曰止日時

築室于茲也

遇懋遇止遇左遇右遇疆遇理遇宜遇畝自西徂東

周爰執事也

乃召司空乃召司徒俾立室家其繩則直縮版以載

作廟翼翼也

揀之陳陳度之薨薨築之登登削屨馮馮百堵皆興

韃鼓弗勝也

迺立皋門皋門有仇迺立應門應門將將迺立冢土

戎醜攸行也

公劉六章

召康公以成王將蒞政故詠公劉之事以告之

篤公劉匪居匪康迺場迺疆迺積迺倉迺裹餼糗于

橐于囊思輯用光弓矢斯張干戈戚揚爰方啓行也

篤公劉于胥斯原既庶既繁既順迺宣而無末歎陟

則在嶽復降在原何以舟之維玉及珌鞞琫容刀也

篤公劉逝彼百泉瞻彼溇原迺陟南岡乃觀于京京

師之野于時處處于時廬旅于時言言于時語語也

篤公劉于京斯依踰踰濟濟俾僮俾几既登乃依乃

造其曹執豕于牢酌之用匏食之飲之君之宗之也

篤公劉既溥既長既景迺相其陰陽觀其流泉其

軍三單度其隰原徹田爲糧度其夕陽幽居允荒也